

逃人逃

律例根原卷  
之一百六

一充軍人犯逃回如原犯實犯死罪免死充軍  
逃回復有行兇爲匪者依免死減等發遣人  
犯逃回行兇爲匪例照原犯死罪卽行正法  
一免死減軍人犯在配脫逃掣回之日審無行  
兇爲匪者初次枷號兩個月無論近邊遠邊  
俱調極邊地方充軍二次枷號三箇月調極  
邊烟瘴地方犯至三次者改發荒古塔等處

給披甲人爲奴

等謹按前條免死減軍人犯在配脫逃如有行兇爲匪照原犯死罪卽行正法係乾隆五年定例後條審無行兇爲匪分別次數枷號發遣係乾隆十八年定例應修併一條以昭簡易謹將修併例文開列於後

修併

一原犯實犯死罪免死

在配脫逃復

有行兇爲匪者依免死減等發遣人犯逃回行兇爲匪例照原犯死罪卽行正法如無行兇爲匪者初次枷號兩箇月無論近邊遠邊俱調極邊地方充軍二次枷號三箇月調極邊烟瘴充軍犯至三次者改發吉林等處給披甲人爲奴

原例

一凡在京間擬徒罪人犯除順天府所屬民人仍令府尹發配外其餘各省民人俱遞回各

該督撫照伊原籍應發地方發配充徒俟年限滿日交回籍地方官管束若係強竊盜及光棍案內之犯不許出境倘有私自出境依不應重律杖八十其管束不嚴之地方官交部議處仍令五城大宛二縣並巡捕營嚴行查拿倘有前項人犯容留京城潛住發覺者將地方官交部議處總甲人役并知情容留之房主各依不應重律杖八十如有旗人容留居住將知情容留之房主若係另戶并族

長若係家人并伊主及領催各鞭八十各佐領驍騎校交部議處

臣等謹按此條係乾隆六年定例查名例內載各省民人在京犯該徒罪其有應追銀兩將該犯解回原籍追完後照應配地方充配如無應追之項即在犯事地方充徒等語歷來遵辦在案此條各省民人在京間擬徒罪俱遞回原籍發配與現行之例不符應照名例分別修改謹將修改例

文開列於後

修改

一凡在京間擬徒罪人犯除順天府所屬民人各省民人無應追銀兩毋庸遞回原籍著追者仍令府尹發配外其餘各省民人有應追之項俱遞回各該督撫著追完日照伊原籍應發地方發配充徒俟年限滿日交原籍地方官管束若係強竊盜及光棍案內之犯不許出境倘有私自出境依不應重律杖八十

其管束不嚴之原籍地方官交部議處仍令五城大宛二縣並巡捕營嚴行查拿倘有前項人犯容留京城潛住發覺者將地方官交部議處總甲人役并知情容留之房主各依不應重律杖八十如有旗人容留居住將知情容留之房主若係另戶并族長若係家人并伊主及領催各鞭八十該佐領驍騎校交部議處

原例

一免死發遣盜犯在配無故脫逃已逾五日拿獲者無論有無行兇為匪悉照新疆遣犯脫

逃例請

旨即行正法若於五日內拏獲該管將軍大臣嚴行確審如係僅在附近處所暫行躲避並未遠颺或偶有事故未向伊主告假實非逃走者聲明緣由具奏請

旨定奪

臣等謹按此條係乾隆三十五年定例查

新疆尋常遣犯脫逃舊例即行正法嗣於嘉慶四年臣部奏准用重枷號三箇月發落纂入各例遵行在案例內悉照新疆遣犯脫逃例句應行節刪謹將修改例文開列於後

修改

一免死發遣盜犯在配無故脫逃已逾五日拿獲者無論有無行兇為匪請

旨即行正法若於五日內拏獲該管將軍大臣嚴行

確審如係僅在附近處所暫行躲避並未遠  
颺或倘有事故未向伊主告假實非逃走者  
聲明緣由具奏請

旨定奪

原例

一凡流罪人犯如有中途在配犯脫被獲原犯  
流二千里者改爲流二千五百里原犯流二  
千五百里者改爲流三千里俱從該犯原籍  
地方計程發配各加枷號兩箇月責四十板

一凡免死減等流犯中途在配脫逃被獲者改  
發近邊充軍及原犯尋常案內流三千里人  
犯中途在配脫逃被獲者改發附近充軍均  
就其現配地方計程發配若表內現配地方  
應發之所與該犯原籍相近而又地處邊境  
再無別處可以改發者卽加一等改發各加  
枷號兩箇月責四十板其原犯附近近邊邊  
遠極邊烟瘴各犯仍各由原籍以次遞加照  
例調發

臣等謹按流犯脫逃加等改發各加枷號

兩箇月責四十板係乾隆三十三年定例

查軍犯脫逃例應加等調發者初次枷號

一箇月二次枷號兩箇月三次枷號三箇

月俱係以次遞加此二條例內流犯脫逃

不論初次二次三次俱枷號兩箇月是流

犯初次脫逃其枷號較重於軍犯而三次

脫逃者其枷號比軍犯為更輕殊未允協

應援照軍犯脫逃枷號例按照次數以次

遞加又查軍犯脫逃例止加枷號不加杖

流罪輕於軍罪其脫逃加等調發亦應一

體毋庸加杖例內責四十板俱應節刪謹

將修改例文開列於後

修改

一凡流罪人犯如有中途在配脫逃被獲原犯

流二千里者改為流二千五百里原犯流二

千五百里者改為流三千里俱從該犯原籍

地方計程發配初次枷號一箇月二次枷號

兩箇月三次枷號三箇月照例改發

一凡免死減等流犯中途在配脫逃被獲者改發近邊充軍及原犯尋常案內流三千里入犯中途在配脫逃被獲者改發附近充軍均就其現配地方計程發配若表內現配應發之地與該犯原籍相近而又地處邊境再無別處可以改發者即照表內應發地方加一等改發各按照脫逃次數分別枷號其原犯附近近邊邊遠極邊回瘴各犯仍各由原籍

以次遞加照例調發

原例

一各省遣犯脫逃內有年老者以年逾七十爲準如在逃時年已六十勒限十年年已五十勒限二十年逾限未獲亦即於彙奏通緝案內開除停緝倘後經緝獲仍照例質明辦理

等謹按此條係乾隆五十三年定例查

年終彙奏各件於乾隆五十九年欽奉

諭旨令改奏爲咨此條例內彙奏二字係屬舊例應



改爲彙咨謹將修改例文開列於後

修改

一各省遣犯脫逃內有年老者以年逾七十爲準如在逃時年已六十勒限十年年已五十勒限二十年逾限未獲卽於彙咨通緝案內開除停緝倘後經緝獲仍照例質明辦理

原例

一免死減等發遣人犯如不服伊主管束脫逃後復犯行兇爲匪及拿獲時有拒捕者照原

犯死罪卽行正法如非不服伊主管束或因  
思家或因力難受苦乘隙潛逃並無行兇爲  
匪拒捕之處遞回發遣處枷號三箇月鞭一  
百其非免死減等係平常發遣人犯如逃走  
後復行兇爲匪並拿獲時拒捕者卽照現在  
所犯定擬如犯該斬候者改爲立斬犯該絞  
候者改爲立絞犯該重流發遣者改爲絞監  
候犯該徒罪者遞回發遣處枷號三箇月罪  
止笞杖者遞回發遣處枷號兩箇月並無行

兇為匪亦無拒捕者遞回發遣處枷號一箇  
月俱鞭一百其例應立決者拿獲之日令該  
地方官審明該犯原犯情罪逃走年月並分  
給為奴之旗分佐領及伊主姓名照例定擬  
詳報督撫具題刑部逐一查核確實會議題  
覆將該犯即在等獲地方正法仍行文發遣  
處出示曉諭

臣等謹按此條係乾隆元年定例查免死  
減等發遣盜犯脫逃本門例內已有即行

正法專條此條免死減等係指秋審緩決  
案內遇

赦減等因情罪較重發遣黑龍江者而言但例文  
首句語意含混恐悞會例意者將免死減  
等盜犯亦照此例定擬反啟畸輕畸重之  
弊自應將秋審案內等字添入以昭明晰  
又查軍流人犯脫逃後行兇殺人向來俱  
按謀故鬪殺本律分別斬絞監候嗣於嘉  
慶五年五月江西巡撫張誠基審題逃軍

熊正富因姦謀毒焦雲通身死一案將熊正富依平常發遣人犯逃後行兇爲匪犯該斬候者改爲立斬例擬斬立決經部核得熊正富係竊盜三犯擬流脫逃被獲改軍之犯並非發遣人犯今以軍犯在逃殺人之案援引遣犯在逃行兇之例殊未允協將熊正富改依本夫縱姦姦夫謀殺本夫斬監候本例擬斬監候等因具奏奉旨依議欽此欽遵在案應增入例內並詳細註明

以便引用謹將修改例文開列於後

修改

一秋審緩決人犯遇

赦免死減等發遣黑龍江者如不服伊主管束脫逃後復行兇爲匪及拿獲時有拒捕者照原犯死罪卽行正法如非不服伊主管束或因思家或因力難受苦乘間潛逃並無行兇爲匪拒捕之處遞回發遣處枷號三箇月鞭一百其非秋審案內免死減等係平常發遣人犯

如逃走後復行兇為匪並拿獲時拒捕者即照現在所犯定擬如犯該斬候者改為立斬犯該絞候者改為立絞犯該軍流發遣者改為絞監候犯該徒罪者遞回發遣處枷號三箇月罪止笞杖者遞回發遣處枷號兩箇月並無行兇為匪亦無拒捕者遞回發遣處枷號一箇月俱鞭一百其例應立決者拿獲之日令該地方官審明該犯原犯情罪逃走年月並分給為奴之贖分佐領及伊主姓名照

例定擬詳報督撫具題刑部逐一查核確實會議題覆將該犯即在掣獲地方正法仍行文發遣處出示曉諭至軍流人犯脫逃後行兇殺人為匪犯該斬絞者仍按各本律定擬

應監候者監候  
應立決者立決

續纂

一洋盜案內被擄過船隨同上盜問擬發遣之犯在配脫逃被獲者查明發遣原案除被擄後甘心從盜者仍照免死盜犯例正法外若

並非甘心從盜實係擄捉過船逼令入夥上盜者如脫逃後並無行兇爲匪卽照平常發遣人犯脫逃被獲例遞回原遣處枷號一箇月鞭一百如脫逃後行兇爲匪亦照平常發遣人犯逃後行兇爲匪例分別問擬

臣等謹按例載免死發遣盜犯在配脫逃被獲者照原犯死罪卽行正法又例載平常發遣人犯脫逃被獲審無行兇爲匪者遞回發遣處枷號一箇月鞭一百各等語

嗣於嘉慶五年據黑龍江將軍咨稱拿獲脫逃遣犯陳周陳朱一案審係洋盜許跳案內逼脅服役發遣爲奴之犯因在配勞苦商量同逃逃後並無行兇爲匪等情將陳周等枷號一箇月鞭一百等因咨部經臣部議稱本年三月本部議覆署廣東按察使葉汝蘭條奏洋盜案內被脅服役之犯按其久暫量爲區別摺內聲請此等人犯均爲盜匪逼脅所致如有投首及逃回

者照律免罪如果拿獲者均杖一百徒三年奏准通行在案誠以服役係爲盜匪逼脅所致故量爲酌減至被擄過船隨同上盜卽與盜匪無異仍照原例發遣至發遣後在配脫逃自應照例正法若始則被擄繼則逼令入夥上盜是其爲盜始終俱係被逼無奈所致衡情既有可原論法不無可恕如發遣後在配脫逃卽與免死減等人犯一例正法殊未允協此案逃遣陳周

陳朱臣部檢查原案係被盜首陳俊強擄上船逼令入夥發遣黑龍江爲奴在配脫逃該將軍將陳周等照平常發遣人犯脫逃例枷號鞭責實爲情法之平應如所擬辦理再拿獲此等逃遣恐各省誤會例意卽行正法應通行問刑衙門嗣後洋盜案內被擄過船隨同上盜問擬發遣之犯在配脫逃被獲除甘心從盜發遣者仍照免死盜犯例正法其有並非甘心從盜實係

擄捉過船逼令入夥隨同上盜發遣者卽照平常發遣人犯脫逃被獲例遞回原遣處枷責管束本部現在纂修條例卽於例內修纂詳明庶免歧誤等因咨行在案應纂輯爲例以便引用又查平常發遣人犯脫逃後如有行兇爲匪例內就其現犯之罪分別加等問擬今擄逼上盜遣犯脫逃既照平常遣犯枷號鞭責如逃後行兇爲匪亦應照平常發遣人犯逃後行兇爲匪

例分別治罪原案內未經申敘應添入以昭賅備合併聲明

原例

一軍流人犯在逃遇

赦不分初犯再犯三犯俱免枷號仍發原配

臣等謹按軍流人犯在配脫逃恭遇

恩赦應否免其調發應依赦款章程分別辦理蓋所犯情罪有輕重不等歷年

恩赦俱按其原犯情節輕者免其枷號仍發原配

者照例枷號調發並非概准援免此條  
例內在逃遇

赦不分初犯再犯三犯俱免枷號仍發原配係屬  
舊例應行修改謹將修改例文開列於後

修改

一軍流人犯脫逃初獲遇

赦核其情節准其援

赦者不分初犯再犯三犯俱免枷號仍發原配如原  
犯情節較重不准援

赦者按照逃走次數照例枷號調發

原例

一充軍常犯至配後責令照例當差不得任其

閒散如有脫逃係附近充軍者初次枷號一

箇月調發近邊二次枷號兩箇月調發邊遠

三次枷號三箇月調發極邊烟瘴其本犯近

邊遠者各以次遞加調發至極邊烟瘴脫

逃者改發黑龍江等處給與披甲人為奴即

令拿獲之州縣一面收禁一面關查配所原



案突明有無行兇為匪及脫逃次數將應行改調之處申詳督撫咨部核辦完結毋庸遞回原配審斷其尙未到配中途脫逃者亦照此例辦理

一雲貴兩廣烟瘴少輕人犯在配脫逃者枷號

一個月改發極邊煙瘴充軍烟瘴脫逃即發

黑龍江等處為奴

一原犯實犯死罪免死減軍人犯在配脫逃復

自行兇為匪者該免死減等發遣人犯逃回

行兇為匪照例原犯死罪即行正法如無行

兇為匪者初次枷號兩箇月無論近邊邊遠

俱調極邊地方充軍二次枷號三箇月調極

邊烟瘴充軍犯至三次者改發吉林等處給

披甲人為奴

臣等謹按嘉慶十七年十二月內 臣部議

覆原任黑龍江將軍宗室斌靜等奏調劑

黑龍江等處遣犯摺內請將極邊烟瘴充

軍脫逃及免死減軍犯人三次逃走各條

改發新疆酌撥種地當差等因奏准通行  
在案例內發黑龍江吉林之處應行修改  
再查前二條均係尋常軍犯在配脫逃改  
發之例應請併為一條以免冗複謹將修  
併修改例文二條開列於後

修併

一充軍常犯至配後責令照例當差不得任其  
閒散如有脫逃係附近充軍者初次枷號一  
箇月調發近邊二次枷號兩箇月調發邊遠

三次枷號三箇月調發極邊烟瘴其本犯近  
邊邊遠各以次遞加調發至烟瘴少輕人犯  
在配脫逃者枷號一個月改發極邊煙瘴極  
邊烟瘴脫逃者改發新疆酌撥種地當差即  
令拿獲之州縣一面收禁一面關查配所原  
案究明有無行兇為匪及脫逃次數將應行  
改調之處申詳督撫咨報核擬完結毋庸遞  
回原配審斷其尚未到配中途脫逃者亦照  
此例辦理

修改

一原犯實犯死罪免死減軍人犯在配脫逃復有行兇爲匪者依免死減等發遣人犯逃回行兇爲匪例照原犯死罪卽行正法如無行兇爲匪者初次枷號兩箇月無論近邊邊遠俱調極邊地方充軍二次枷號三箇月調極邊烟瘴充軍犯至三次者改發新疆酌發種地當差

原例

一秋審綏決人犯遇

赦免死減等發遣黑龍江者如不服伊主管束脫逃後復行兇爲匪及拿獲時有拒捕者照原犯死罪卽行正法如非不服伊主管束或因思家或因力難受苦乘間潛逃並無行兇爲匪拒捕之處遞回發遣處枷號三箇月鞭一百其非秋審案內免死減等係平常發遣人犯如逃走後復行兇爲匪並挈獲時拒捕者卽照現在所犯定擬如犯該斬候者改爲立決

犯該絞候者改為立絞犯該軍流發遣者改  
 為絞監候犯該徒罪者遞回發遣處枷號三  
 箇月罪止笞杖者遞回發遣處枷號兩箇月  
 並無行兇為匪亦無拒捕者遞回發遣處枷  
 號一個月俱鞭一百其例應立決者掣獲之  
 日令該地方官審明該犯原犯情罪逃走年  
 月並給為奴之旗分佐領及伊主姓名照例  
 定擬詳報督撫具題刑部逐一查核確實會  
 議題覆將該犯即在拿獲之地方正決仍行

文發遣處出示曉諭至軍流人犯脫逃後行  
 兇殺人為匪犯該斬絞者仍按各本律定擬

應監候者監候  
 應立決者立決

臣等謹按嘉慶十五年六月初三日奉

上諭向來尋常發遣人犯在配脫逃其經官拿獲  
 者杖一百枷號一箇月仍發原處其自行投首  
 者免其枷杖發回原處固屬照例辦理但前日  
 吉林遣犯奇明阿脫逃至六次之多屢經掣獲  
 投首仍不悛改若竟任其自去自來於罪名竟

無增加何以示儆嗣後此等人犯除脫逃在五  
次以內仍照舊辦理外其脫逃在五次以外者  
挈獲之後應照原罪量爲加增卽自行投首亦  
當酌議罪名以示懲儆倘竟脫逃至十次以外  
則挈獲投首均應分別加重著交刑部妥議具  
奏等因欽此當經臣部查犯罪發遣黑龍江等  
處人犯本罪已至發遣無可復加是以例  
內止擬杖責亦無分別脫逃次數加等治  
罪明文若屢次脫逃於罪名竟無增加何

以示儆議請嗣後除脫逃在五以內仍  
照例被獲者枷號一箇月投回者免罪外  
如脫逃至五次以外被獲者枷號三箇月  
投回者枷號一箇月若脫逃在十次以外  
被獲者枷號六箇月投回者枷號三箇月  
均鞭一百嚴加管束等因奏准通行在案  
應纂輯爲例再查遣犯脫逃被獲枷號一  
箇月係指尋常發遣人犯而言至秋審免  
死減等發遣人犯一經脫逃被獲卽應枷

號三箇月如逃走至五次以外被獲自應  
 枷號六箇月投回者枷號三箇月若脫逃  
 在十次以外被獲者枷號九箇月投回者  
 枷號六箇月應請一併添入例內以昭賅  
 備而示區別謹將修改例文開列於後

修改

一秋審綏決人犯遇

赦免死減等發遣黑龍江等處者如非不服伊主管  
 束或因思家或因力難受苦乘間潛逃並無

行兇為匪拒捕之處被獲者五次以內遞回  
 發遣處枷號三箇月投回者免罪脫逃至五  
 次以外被獲者枷號六箇月投回者枷號三  
 箇月十次以外被獲者枷號九個月投回者  
 枷號六箇月俱鞭一百若不服伊主管束脫  
 逃後復行兇為匪及拿獲時有拒捕者照原  
 犯死罪即行正法其非秋審案內免死減等  
 係平常發遣人犯在配脫逃並無行兇為匪  
 亦無拒捕情事被獲者五次以內遞回發遣

處枷號一箇月投回者免罪脫逃至五次以外被獲者枷號三箇月投回者枷號一箇月十次以外被獲者枷號六箇月投回者枷號三箇月均鞭一百如逃走後復行兇為匪並拏獲時拒捕者即照現在所犯定擬犯該斬候者改為立斬犯該絞候者改為立絞犯該軍流發遣者改為絞監候犯該徒者遞回發遣處遣處枷號三箇月罪止笞杖者遞回發遣處枷號兩箇月俱鞭一百其例應立決者拏獲

之日令該地方官審明該犯原犯情罪逃走年月並分給為奴之旗分佐領及伊主姓名照例定擬詳報督撫具題刑部逐一查核確實會議題覆將該犯即在拿獲地方正法仍行文發遣處出示曉諭至軍流人犯脫逃後行兇殺人為匪犯該斬絞者仍按各本律定

擬應監候者照例擬應立決者立決

原例

一免死發遣盜犯在配無故脫逃已逾五日拏

獲者無論有無行兇為匪請

旨即行正法若於五日內拏獲該管將軍大臣嚴行  
確審如係僅在附近處所暫行躲避並未遠  
颺或倘有事故未向伊主告假實非逃走者  
聲明緣由具奏請

旨定奪

臣等謹按嘉慶二十一年三月十四日奉  
上諭張映漢奏黑龍江減回內地流犯龔亞文在  
配脫逃於五日內拏獲訊係附近躲避倘未出

境遵例請旨定奪等語龔亞文著仍發黑龍江  
為奴如再脫逃拿獲即行正法餘俱照所擬完  
結嗣後凡免死減等發遣盜犯改發者如在配  
脫逃五日限外拏獲仍照例正法其五日限內  
拏獲訊明實係附近躲避並未遠颺者即仍發  
原配地方毋庸奏請定奪著為合欽此又二十

二年二月內陞任廣西巡撫慶保咨拏獲  
逃軍李勝先一案聲明李勝先係夥盜會  
經傷人聞拏投首實發雲貴兩廣極邊烟



瘴充軍因在配當役辛苦在附近求乞躲避五日限內拏獲並非遠颺應作何改發之處咨部示覆等因當經 部查十七年十二月內 部奏改發黑龍江等處遣犯條欵將未傷人之首盜聞拏投首窩家盜線聞拏投首曾經傷人及行劫二次以上之夥盜聞拏投首夥盜能將盜首逃匿地方供出一年限內拏獲四條俱改發雲貴兩廣極邊烟瘴充軍奏准纂例遵行在案

此項盜犯暨是年滿劑黑龍江等處遣犯案內分別到配年分改回內地充軍擬流之盜犯均係免死改發如脫逃被獲例應正法與尋常軍流人犯脫逃被獲例應加等調發者不同此等盜犯脫逃五日內拏獲訊明並非遠颺者係本例發遣之犯自應照例仍發遣配卽由黑龍江吉林改回內地軍流之盜犯以黑龍江吉林爲原配應欽遵上年所奉

諭旨仍發黑龍江吉林遣配若本例免死充軍之盜犯既非由遣配改回內地如仍發極邊烟瘴較之尋常軍流人犯脫逃被獲加等調發者轉輕而新例免死盜犯停發黑龍江等處改發新疆又未便照龔亞文之案率將並非由黑龍江原配改回內地之盜犯改發黑龍江吉林自應通融酌辦議將嗣後未傷人之首盜聞拏投首窩家盜線聞拿投首曾經傷人及行劫二次以上之

夥盜聞拏投首並夥盜俱出首盜逃匿所在一年限內拏獲四項新例免死實發雲貴兩廣極邊烟瘴充軍人犯如有在配脫逃五日限外拏獲照例正法限內拏獲訊明並非遠颺者卽照現在免死盜犯發遣新疆之例改發新疆等處給官兵爲奴行令該撫將李勝先改發新疆給官兵爲奴並通行各省遵照又二十五年九月內臣部遵

旨酌議停發黑龍江吉林遣犯案內將由黑龍江  
吉林減回內地充軍擬流之盜犯在配脫  
逃於五日內拏獲仍發原配一條改發新  
疆給官兵爲奴等因奏准亦在案再查現  
行例內免死盜犯係發遣新疆爲奴如有  
脫逃於五日限內拿獲訊係附近躲避並  
非遠颺此等盜犯業已遠戍無可調發應  
請照新疆尋常遣犯脫逃破獲例在配所  
用重枷枷號三箇月杖一百責令伊主嚴

加管束應於例內修改增纂以資引用謹  
將修改例文開列於後

### 修改

一免死減等發遣新疆盜犯並由黑龍江吉林  
減回內地充軍擬流之盜犯及未傷人之首  
盜聞拏投首窩家盜線聞拏投首曾經傷人  
及行劫二次以上之夥盜聞拏投首夥盜能  
將盜首逃匿地方供出一年限內拿獲四項  
改發雲貴兩廣極邊烟瘴充軍之犯如在配

無故脫逃已逾五日拿獲者無論有無行兇  
為匪請

旨卽行正法若於五日內拿獲該管將軍大臣督撫  
嚴行確審如係僅在附近處所暫行躲避並  
未遠颺或偶有事故未向伊主及看役告知  
實非逃走者新疆遣犯在配所用重枷枷號  
三箇月杖一百責令伊主嚴加管束由黑龍  
江吉林減回內地充軍擬流前改發雲貴兩  
廣充軍四項人犯俱調發新疆給官兵為奴

原例

均毋庸具奏如再脫逃拿獲奏請卽行正法

一原犯實犯死罪免死減軍人犯在配脫逃復  
有行兇為匪者依免死減等發遣人犯逃回  
行兇為匪例照原犯死罪卽行正法如無行  
兇為匪者初次枷號兩箇月無論近邊邊遠  
兇為匪者初次枷號兩箇月無論近邊邊遠  
俱調極邊地方充軍二次枷號三箇月調極  
邊烟瘴充軍犯至三次者改發新疆酌撥種  
地當差

一蒙古發遣人犯在配脫逃如係原發山東河南者初次調發福建湖廣等省加枷號一箇月責四十板二次調發雲貴兩廣極邊烟瘴加枷號兩箇月責四十板三次者仍發回原調處所加枷號三箇月責四十板其原發福建湖廣等省者以次調發極邊烟瘴而止蒙古免死減軍在配脫逃者亦一體加調仍各分次數枷責刺字並令挈獲之州縣究明逃後有無行兇爲匪惡民人例分別定擬

臣等謹按嘉慶二十四年閏四月內臣部

核覆前任熱河都統伊冲阿咨免死減發驛站當差人犯張得同在配脫逃復犯搶奪一案因免死減軍人犯逃後行兇爲匪例內不論其後犯情節之輕重概照原犯死罪卽行正法未免無所區別當經酌改舊例議請嗣後免死減軍人犯在配脫逃能無行兇爲匪者仍照舊例調發外如逃後復行兇爲匪當按其後犯情節如僅止

枷杖者仍照免死軍犯脫逃本例加等調發到配後科以後犯枷杖之罪分別折責安置若後犯情輕罪應徒流並徒流以上者即於逃罪加等調發本例上再加一等改發倘後犯之罪重於改發罪者各從其重者論仍分別次數加擬枷號後犯罪應斬絞監候者加擬立決至強盜窩盜自首免死減等充軍人犯在配脫逃例應正法者仍照定例辦理再查蒙古例不外遣向

來免死減等人犯以山東河南與福建湖廣並雲貴兩廣極邊烟瘴分爲三等均交驛充當苦差如在配脫逃究明有行兇爲匪情事應即照新定民人免死軍犯逃後行兇爲匪之例按其後犯情節以次遞加並分別加擬枷責等因開列擬改新例二條奏准在案所有原例二條應行修改謹將修改奏定新例開列於後

修改

一原犯實犯死罪免死減軍人犯在配脫逃前  
 無行兇為匪者初次枷號兩箇月無論近邊  
 邊遠俱調發極邊地方充軍二次枷號三箇  
 月調極邊烟瘴充軍犯至三次者改發新疆  
 酌撥種地當差如逃後復有行兇為匪按其  
 後犯情節僅止枷杖者仍照脫逃本例加等  
 調發到配後科以後犯枷杖之罪若後犯情  
 節罪應徒流以上者即於逃罪加等調發本  
 例上再加一等改發倘後犯之罪重於改發

罪名者各從其重者論仍分別次數加擬枷  
 號後犯罪應斬絞監候者加擬立決至強盜  
 自首免死減等充軍人犯在配脫逃例應正  
 法者仍照定例辦理

一蒙古發內地驛站當差人犯在配脫逃原發  
 山東河南者初次調發福建湖廣等省加枷  
 號一箇月二次調發雲貴兩廣極邊烟瘴加  
 枷號兩箇月三次者仍發回原調處所加枷  
 號三箇月各責四十板其原發福建湖廣等

省者以次調發極邊烟瘴而止如係免死減  
等人犯在配脫逃並無行兇爲匪者亦一體  
加調若逃後復有行兇爲匪按其後犯情節  
僅止枷杖者仍照脫逃本例加等調發到配  
後科以後犯枷杖之罪若後犯情節罪應徒  
流以上者卽於逃罪加等調發本例上再加  
一等改發仍照例至極邊烟瘴而止均各分  
次數枷責刺字倘罪無可加每一等再加枷  
號兩箇月如原犯免死減等之罪本應外遣  
因係蒙古改發內地者仍依免死遣犯逃回  
行兇爲匪例照原犯死罪卽行正法

續纂

一回民因行竊窩竊發遣脫逃被獲並無行兇  
爲匪及拒捕情事者初次遞回配所用重枷  
枷號六箇月二次枷號九箇月三次及三次  
以外枷號一年如逃走後復行兇爲匪並拿  
獲時有拒捕者除犯該斬絞監候改爲立決  
犯該軍流發遣改爲絞候仍照原例辦理外



如犯該徒罪遞回配所枷號一年犯該笞杖  
遞回配所枷號九箇月滿日俱鞭一百遞  
赦俱不准援減

臣等謹按嘉慶二十年五月二十六日

臣

部議覆順天府府尹審奏窩竊回民大李  
三等擬遣一摺奉

旨此案參賊肆竊之回民發遣到配後若復潛逃  
回籍必故智復萌仍爲地方之害著交配所該  
管官嚴加管束如在配脫逃應如何加重定罪

其失察之該管官應如何從重議處之處著該  
部酌議條例具奏此案人犯卽照新例辦理欽

此除處分條例由吏兵二部定議外當經

臣部議請嗣後回民因行竊窩竊發遣脫  
逃被獲並無行兇爲匪及拒捕情事者初  
次遞回配所用重枷枷號六箇月二次枷  
號九箇月三次及三次以外枷號一年如  
逃走後復行兇爲匪並拿獲時有拒捕者  
除犯該斬絞監候改爲立決犯該軍流發

遣改爲絞候仍照原例辦理外如犯該徒罪遞回配所枷號一年犯該笞杖遞回配所枷號九箇月滿日俱鞭一百遇赦俱不准援減等因奏准在案應纂輯遵行

原例

一在京間擬笞杖加責遞回原籍人犯取具地方官收管令該地方官造冊每月朔望點卯如有私行脫逃來京者該管官卽申報上司及原犯事地方查拿仍將疎縱之地方官照

各省遞回人犯出境生事例議處如隱匿不報將地方官照應申不申公罪例議處其逃犯被獲審有爲匪不法者從重歸結若但經復逃不論次數各按其原犯之罪如係枷責遞回照不應重律杖八十係笞杖遞回照不應輕律笞四十仍交該地方官嚴加管束

一凡在京間擬徒罪人犯除順天府所屬民人及各省民人無應追銀兩毋庸遞回原籍著追者仍令府尹發配外其餘各省民人有應

追之項俱遞回各該督撫著追完日照伊原籍應發地方發配充徒俟年限滿日交原籍地方官管束若係強竊盜及光棍案內之犯不許出境倘有私自出境依不應重律杖八十其管束不嚴之原籍地方官交部議處仍令五城大宛二縣並巡捕營嚴行查拿倘有前項人犯容留京城潛住發覺者將地方官交部議處總甲人役并知情容留之房主各依不應重律杖八十如有旗人容留居住將

知情容留之房主若係另戶并族長若係家人并伊主及領催各鞭八十該佐領驍騎校交部議處

臣等謹按嘉慶二十年十月十四日奉

上諭近日發遣及遞籍人犯往往潛逃滋事或控訴原案屈抑或越分呈遞封章卽如已革吏目魏秀以職官褫革遞籍乃敢私行來京在步軍統領衙門呈遞封口奏章冀圖翻控原案茲審明該革員所控各情全屬虛誣並無絲毫屈抑

似此逞刁妄爲匪從重問擬不足以示懲儆除  
魏秀照擬枷責發邊遠充軍外嗣後軍流以下  
及遞籍各犯如有年限未滿未經釋放私自逃  
回者應如何加等治罪其妄行控訴者再加一  
等呈遞封章者再從重加等著刑部分別詳議  
具奏其該管地方官及鄉保等漫無約束任令  
私自逃回或知情縱容亦應加重懲處著該部  
分別議奏欽此當經臣部查違軍流徒各犯脫  
逃加等改發調發原例已極詳備毋庸再

議其枷責笞杖遞籍復逃來京及犯罪人  
犯誣告翻控或呈遞封章雖均有分別加  
等治罪專條惟遞籍人犯例止分別原犯  
枷責笞杖以定脫逃罪名而原犯無罪可  
科僅止遞回管束者並未議及至尋常誣  
告翻控例內並無遣軍以下人犯脫逃妄  
控加等治罪明文而呈遞封章一項上年  
奏定新例係指平民及遣軍以下負罪人  
犯在配呈遞封章而言其遞籍管束人犯

脫逃來京呈遞封章及遣軍流徒由配潛逃來京呈遞封章者俱未議及此等人犯

誠如

聖諭應再加一等並從重加等用昭懲創議請於原例定擬較輕者量為加重其原例未經周備者另擬專條至失察容留之鄉保人等亦應分別本犯是否滋事加等懲處將現擬新例繕列清單恭呈

御覽至失察之該管各官移咨吏兵二部分別議

奏等因於十一月十一日具奏奉

旨依議其邪教案內開擬遣軍流徒等罪人犯有在配逃回者應照尋常案犯再加重治罪其失察容留之人亦應加重治罪著刑部另議專條奏明載入則例遵行欽此復經 戶部議請嗣後除林清案內傳習白陽教擬發額魯特為奴及案內紅陽教從重擬發額魯特為奴各犯會奉有

諭旨如有在配脫逃拿獲時即行正法應欽遵辦

理此外傳習邪教案內問擬遣軍流徒人犯若僅止脫逃並未滋事者於尋常遣軍流徒脫逃加等調發例上各加一等治罪如逃後滋事或另犯重罪及妄行控訴呈遞封章者各視尋常逃犯所應得罪名加一等定擬其遣罪應加枷號者按照尋常逃犯應得枷號月數遞加一等如已至斬絞罪名應緩決者入於情實應情實者加爲立決犯至立決無可復加者仍照原例

科斷倘另犯應死罪名仍各從其重者論至此等邪教脫逃其失察容留之人應卽於現經奏定常犯脫逃之失察容留加等新例上分別是否滋事各加一等懲處等因奏准在案除將遣軍流徒及遞籍人犯逃回原陸並脫逃來京呈遞封章各條載入越訴門內失察各官處分應由吏兵二部載入則例遵行外應將遞籍人犯脫逃來京原例遵照奏定加重治罪新例修改

明晰並尋常遣軍流徒人犯脫逃暨邪教  
案內問擬遣軍流徒在配脫逃分別有無  
滋事及各項失察容留之鄉保均加等治  
罪各新例載入例冊再前條原例內在京  
間擬枷責笞杖遞回原籍復逃來京之犯  
新例既加枷號則後條原例內在京間擬  
徒罪遞籍限滿私自出境之犯自應一體  
加擬枷號亦應修改詳明以昭畫一謹將  
修改續纂各例文開列於後

修改

一在京間擬枷責杖笞遞回原籍人犯取具地  
方官收管令該地方官造冊每月朔望點卯  
如有私行脫逃來京者該管官卽申報上司  
及原犯事地方查拿仍將疎縱之地方官照  
例議處如隱匿不報將地方官查明咨部議  
處其逃犯被獲審有爲匪不法者從重歸結  
若但經復逃來京不論次數各按其原犯之  
罪如由枷責遞回者卽照違

制律杖一百由答杖遞回者照不應重律杖八十其  
原犯並無罪名者照不應輕律答四十仍各  
加枷號一箇月滿日折責仍遞籍管束

一凡在京問擬徒罪人犯除順天府所屬民人  
及各省民人無應追銀兩毋庸遞回原籍著  
追者仍令府尹發配外其餘各省民人有應  
追之項俱遞回各該督撫著追完日照伊原  
籍應發地方發配充徒俟年限滿日交原籍  
地方官管束若係強竊盜及光棍案內之犯

不許出境倘有私自出境依不應重律杖八十  
十加枷號一箇月其管束不嚴之原籍地方  
官交部議處仍令五城大宛二縣前巡捕營  
嚴行查拿倘有前項人犯容留京城潛住發  
覺者將地方官交部議處總甲人役并知情  
容留之房主各依不應重律杖八十如有旗  
人容留居住將知情容留之房主若係另戶  
并族長若係家人并伊主及領催各鞭八十  
該佐領驍騎校交部議處



續纂

一凡遣軍流徒各犯保止脫逃者主守之鄉保等及容留軍流逃犯之房主鄰保仍照各本例治罪外如遇軍流犯逃後滋事主守之鄉保等杖一百每一名加一等罪止杖一百徒三年知情容留之房主鄰保照知情藏匿罪人減罪人一等律再加一等治罪知而不首者仍杖一百其徒犯逃後滋事失察之鄉保等杖八十每一名加一等罪止杖八十徒二

年知情容留之房主鄰保照知情藏匿罪人律減本犯罪一等治罪容留並未滋事之逃徒照容留滋事逃徒例再減一等但知而不首者各杖八十受財者各計贓以枉法從重論其容留之親屬除祖父子孫夫妻奴僕外其餘親屬人等係容留徒罪人犯照不應監律笞四十容留遣軍流犯俱照不應重律杖八十

一遞籍人犯脫逃主守之鄉保等笞四十逃後

滋事者鄉保等杖六十每一名加一等罪止杖一百知情容留之房主鄰保亦照知情藏匿罪人律減本犯一等治罪其容留並未滋事之遞籍逃犯照容留滋事遞籍逃犯例再減一等知而不首者各杖六十受財者各計贓以枉法從重論其容留之親屬除祖父子孫夫妻奴僕外其餘親屬人等照不應輕律答四十

一傳習邪教人犯除擬發額魯特爲奴各犯會

奉有

諭旨如在兜脫逃被獲卽行正法者應欽遵辦理外其餘間擬遣軍流徒人犯若僅止脫逃並未滋事者於尋常遣軍流徒脫逃加等調發例上各加一等治罪如逃後滋事或另犯重罪及妄行控訴呈遞封章者各視尋常逃犯所應得罪名加一等定擬其遣罪應加枷號者按照尋常逃犯應得枷號月數遞加一等如已至斬絞罪各應緩決者入於情實應情實

者加為立決犯該立決無可復加者仍照原  
 例科斷倘另犯應死罪名仍各從其重者論  
 其失察容留之人於常犯脫逃之失察容留  
 例上分別是否滋事各加一等懲處

徒流人逃

原例

一充軍常犯至配後責令照例當差不得任其  
 閑散如有脫逃係附近充軍者初次枷號一  
 箇月調發近邊二次枷號兩箇月調發邊遠  
 三次枷號三箇月調發極邊烟瘴其本犯近  
 邊邊遠者各以次遞加調發至烟瘴少輕人  
 犯在配脫逃者枷號一箇月改發極邊烟瘴  
 極邊烟瘴脫逃者改發新疆酌撥種地當差

卽合拿獲之州縣一面收禁一面關查配所  
 原案究明有無行兇爲匪及脫逃次數將應  
 行改調之處申詳督撫咨部核辦完結毋庸  
 遞回原配審斷其尙未到配中途脫逃者亦  
 照此例辦理

臣等謹按道光六年十一月內軍機大臣  
 會同 臣部議覆直隸總督那彥成奏調劑  
 新疆遣犯摺內請將調發極邊烟瘴充軍  
 脫逃發新疆種地當差一條仍改發雲貴

兩廣極邊烟瘴充軍到配加枷號三箇月  
 等因奏准通行在案例內發新疆之處應  
 行修改謹將修改例文開列於後

修改

一充軍常犯至配後責令照例當差不得任其  
 閑散如有脫逃係附近充軍者初次枷號一  
 箇月調發近邊二次枷號兩箇月調發邊遠  
 三次枷號三箇月調發極邊烟瘴其本犯近  
 邊邊遠者各以次遞加調發至烟瘴少輕人

犯在配脫逃者枷號一箇月改發極邊烟瘴  
極邊烟瘴脫逃者仍改發雲貴兩廣極邊烟  
瘴充軍到配加枷號三箇月即合拿獲之州  
縣一面收禁一面關查配所原案究明有無  
行兇為匪及脫逃次數將應行改調之處申  
詳督撫咨部核擬完結毋庸遞回原配審斷  
其尚未到配中途脫逃者亦照此例辦理

原例

一發遣雲貴兩廣極邊烟瘴創參人犯脫逃被

獲發往伊犁等處給兵丁為奴

臣等謹按道光六年十一月內軍機大臣  
會同臣部議覆直隸總督那彥成奏調劑  
新疆遣犯摺內請將發遣雲貴兩廣極邊  
烟瘴創參人犯脫逃被獲發伊犁等處為  
奴一條仍改發雲貴兩廣極邊烟瘴充軍  
到配加枷號三箇月等因奉准通行在案  
例內發伊犁之處應行修改謹將修改例  
文開列於後

修改

一發遣雲貴兩廣極邊烟瘴創參人犯脫逃被獲仍改發雲貴兩廣極邊烟瘴充軍到配加枷號三箇月

原例

一免死減等發遣新疆盜犯並由黑龍江吉林減回內地充軍擬流之盜犯及未傷人之首盜聞拏投首窩家盜線聞拏投首曾經傷人及行劫二次以上之夥盜聞拏投首夥盜能

將盜首逃匿地方供出一年限內拏獲四項改發雲貴兩廣極邊烟瘴充軍之犯如在配無故脫逃已逾五日拿獲者無論有無行兇為匪請

旨即行正法若於五日內拿獲該管將軍大臣督撫嚴行確審如係僅在附近處所暫行躲避並未遠颺或偶有事故未向伊主及看役告知實非逃走者新疆遣犯在配所用重枷枷號三箇月杖一百責令伊主嚴加管束由黑龍

江吉林減回內地充軍擬流並改發雲貴兩  
 廣充軍四項人犯俱調發新疆給官兵為奴  
 均毋庸具奏如再脫逃拿獲奏請即行正法  
 臣等謹按道光六年十一月內軍機大臣  
 會同部議覆直隸總督那彥成奏調劑  
 新疆遣犯摺內請將由黑龍江吉林減回  
 內地充軍擬流並改發雲貴兩廣充軍盜  
 犯在配脫逃於五日拿獲審係在附近處  
 所暫行躲避或偶有事故他出實非逃走

者俱調發新疆為如各條均改發雲貴兩  
 廣極邊烟瘴充軍到配加枷號三箇月等  
 因奏准通行在案例內調發新疆之處應  
 行修改謹將修改例文開列於後

修改

一免死減等發遣新疆盜犯並由黑龍江吉林  
 減回內地充軍擬流之盜犯及未傷人之首  
 盜聞等投首窩家盜線聞拏投首曾經傷人  
 及行劫二次以上之夥盜聞拏投首夥盜能

將盜首逃匿地方供出一年限內獲四項  
改發雲貴兩廣極邊烟瘴充軍之犯如首配  
無故脫逃已逾五日拿獲者無論有無行兇  
為罪請

旨即行正法若於五日內拿獲該管將軍大臣督撫  
嚴行確審如係僅在附近處所暫行躲避並  
未遠颺或偶有事故未向伊主及看役告知  
實非逃走者新疆遣犯在配所用重枷枷號  
三箇月杖一百責令伊主嚴加管束由黑龍

江吉林減回內地充軍擬流並改發雲貴兩  
廣充軍四項人犯俱改發雲貴兩廣極邊烟  
瘴充軍到配加枷號三箇月均毋庸具奏如  
再脫逃拿獲奏請即行正法

原例

一原犯實犯死罪免死減軍人犯在配脫逃並  
無行兇為匪者初次枷號兩箇月無論近邊  
邊遠俱調發極邊地方充軍二次枷號三箇  
月調發極邊烟瘴充軍犯至三次者改發新



疆酌撥地種當差如逃後復有行兇為匪按  
 其後犯情節僅止枷杖者仍照脫逃本例加  
 等調發到配後科以後犯枷杖之罪若後犯  
 情節罪應徒流以上者即於逃罪加等調發  
 本例上再加一等改發倘後犯之罪重於改  
 發罪名者各從其重者論仍分別次數加擬  
 枷號後犯罪應斬絞監候者加擬決立至強  
 盜自首免死減等充軍人犯在配脫逃例應  
 正法者仍照定例辦理

臣等謹按道光六年十一月內軍機大臣  
 會同臣部議覆直隸總督那彥成奏調劑  
 新疆遣犯摺內請將原犯實犯死罪免死  
 減軍人犯在配脫逃前無行兇為匪犯至  
 三次者發新疆種地當差一條仍改發雲  
 貴兩廣極邊烟瘴充軍到配加枷號三箇  
 月等因奉准通行在案例內發新疆之處  
 應行修改謹將修改例文開列於後

修改

一原犯實犯死罪免死減軍人犯在配脫逃並  
無行兇爲匪者初次枷號兩箇月無論近邊  
邊遠俱調發極邊地方充軍二次枷號三箇  
月調發極邊烟瘴充軍犯至三次者仍改發  
雲貴兩廣極邊烟瘴充軍到配加枷號三箇  
月如逃後復有行兇爲匪按其後犯情節僅  
止枷杖者仍照脫逃本例加等調發到配後  
科以後犯枷杖之罪若後犯情節罪應徒流  
以上者卽於逃罪加等調發本例上再加一

等改發倘後犯之罪重於改發罪名者各從  
其重者論仍分別次數加擬枷號後犯罪應  
斬絞監候者加擬立決至強盜自首免死減  
等充軍人犯在配脫逃例應正法者仍照定  
例辦理

徒流人逃

原例

一在京問擬枷責杖笞遞回原籍人犯取具地方官收管合該地方官造冊每月朔望點卯如有私行脫逃來京者該管官卽申報上司及原犯事地方查拿仍將疎縱之地方官照例議處如隱匿不報將地方官查明咨部議處其逃犯被獲審有爲匪不法者從重歸結若但經復逃來京不論次數各按其原犯之

罪如由枷責遞回者即照違

制律杖一百由笞杖遞回者照不應重律杖八十其原犯並無罪名者照不應輕律笞四十仍各加枷號一箇月滿日折責仍遞籍管束

臣等謹按道光十二年十一月內據陞任江西道監察御史金應麟奏請修改刪易刑例一摺內稱在京間擬枷責杖笞遞回原籍人犯私行脫逃來京者枷號一箇月滿日折責仍遞籍管束查先責後解例有

明禁似應改為遞籍管束折責發落等語

經臣部查此條例文係乾隆八年纂定嗣

於三十八年及嘉慶二十四年疊次修改

固屬斟酌妥協惟例內所稱滿日折責仍

遞籍管束之語尙與遞解人犯毋得先責

後解之例稍有未符議請將例內滿日折

責仍遞籍管束二句改為滿日仍遞回原

籍折責發落等因具奏奉

旨允准通行遵照在案應於例內修改明晰謹將

修改例文開列於後

修改

一在京問擬枷責杖笞遞回原籍人犯取具地方官收管令該地方官造冊每月朔望點卯如有私行脫逃來京者該管官即申報上司及原犯事地方查拿仍將疎縱之地方官照例議處如隱匿不報將地方官查明咨部議處其逃犯被獲審有為匪不法者從重歸結若但經復逃來京不論次數各按其原犯之

罪如由枷責遞回者即照違

制律杖一百由笞杖遞回者照不應重律杖八十其原犯並無罪名者照不應輕律笞四十各加枷號一箇月滿日仍遞回原籍折責發落嚴加管束

原例

一遞籍人犯脫逃主守之鄉保等笞四十逃後滋事者鄉保等杖六十每一名加一等罪止杖一百知情容留之房主地保亦照知情藏

匿罪人例減本犯一等治罪其容留並未滋事之遞籍逃犯照容留滋事遞籍逃犯例再減一等知而不首者各杖六十受財者各計贓以枉法從重論其容留之親屬除祖父子孫夫妻奴僕外其餘親屬人等照不應輕律  
笞四十

臣等謹按道光十二年十一月內據陞任江西道監察御史金應麟奏請修改刪易刑例一摺內稱遞籍人犯脫逃鄉保笞四

十逃後滋事者杖六十罪止杖一百知誘容留之房主鄉保亦照知情藏匿罪人減本犯一等治罪其容留並未滋事之逃犯照容留滋事遞籍逃犯例再減一等知而不首各杖六十查並未滋事遞籍人犯脫逃至京有杖八十者有笞四十者至他省者例無明文應以何項計算遞減如由前項鄰保笞杖遞減則鄰保之罪輕於知而不首之杖六十亦未平允似應酌定等語

經臣部查再京遞回原籍人犯復逃來京  
例有治罪明文而逃至他省者並無應行  
治罪之例今例內但言脫逃是無論其會  
否來京均應將鄰保等照例治罪較之脫  
逃本犯辦理轉嚴誠不足以昭平允再查  
知而不首其情本較容留者為輕乃例內  
容留之房主鄰保不過於本犯杖八十等  
四十罪上遞減一等科以杖七十等三十  
而反將知而不首之人概坐以杖六十之

罪亦覺不甚允協自應一併酌加修改議  
請於例內遞籍人犯脫逃之下添入來京  
二字其知而不首各杖六十一語酌改為  
知而不首又遞減一等等因具奏奉

旨允准通行遵照在案應於例內修改明晰謹將  
修改例文開列於後

修改

一由京遞籍人犯脫逃來京主守之鄉保等答  
四十逃後滋事者鄉保等杖六十每一名加

一等罪止杖一百知情容留之房主鄰保亦  
 照知情藏匿罪人律減本犯一等治罪其容  
 留並未滋事之遞籍逃犯照容留滋事遞籍  
 逃犯例再減一等知而不首者又遞減一等  
 受財者各計贓以枉法從重論其容留之親  
 屬除祖父子孫夫妻奴僕外其餘親屬人等  
 照不應釋律等四十

徒流人逃

刪除

一充軍常犯至配後責令照例當差不得任其  
 閑散如有脫逃係附近充軍者初次枷號一  
 箇月調發近邊二次枷號兩箇月調發邊遠  
 三次枷號三箇月調發極邊烟瘴其本犯近  
 邊邊遠者各以次遞加調發至烟瘴少輕人  
 犯在配脫逃者枷號一箇月改發極邊烟瘴  
 極邊烟瘴脫逃者仍改發雲貴兩廣極邊烟



瘴充軍到配枷號三箇月卽令拿獲之州縣  
一面收禁一面關查配所原案究明有無行  
兇爲匪及脫逃次數將應行改調之處申詳  
督撫咨部核擬完結毋庸遞回原配審斷其  
尙未到配中途脫逃者亦照此例辦理

臣等謹查此條例文從前舊例內載極邊  
烟瘴脫逃者改發新疆酌撥種地當差等  
語嗣於道光六年十一月內據原任陝甘  
總督那彥成奏請調劑新疆遣犯經軍機

大臣會同臣部議將此項改爲仍改發雲  
貴兩廣極邊烟瘴充軍到配枷號三箇月  
奏准纂入例冊在案茲道光二十四年六  
月內據陞任貴州巡撫賀長齡奏請調劑  
軍犯章程一摺復經軍機大臣會同臣部  
議請嗣後新疆遣犯各照舊發往等因具  
奏奉

上諭據軍機大臣會同刑部議奏貴州軍犯擁劑  
酌減調劑等語新疆遣犯改發內地恐人數眾

多不特約束難周且與民風大有關碍非若新疆地方遼濶外遣人犯易於安插所有舊時改發內地各條著仍照舊發往新疆交該將軍設法妥爲安插並嚴飭所屬認真查核嚴加管束毋令滋生事端俾期積久無弊餘依議欽此是新疆遣犯既照舊發往其烟瘴脫逃改發新疆之原例現在猶存足資引用此條係屬贅文應行刪除

一發遣雲貴兩廣極邊烟瘴創參人犯脫逃被獲仍改發雲貴兩廣極邊烟瘴充軍到配加枷號三箇月

臣等謹查此條例文從前舊例內載發遣雲貴兩廣極邊烟瘴創參人犯脫逃被獲發往伊犁等處給兵丁爲奴等語嗣於道光六年十一月內據原任陝甘總督那彥成奏請調劑新疆遣犯經軍機大臣會同臣部議將此項改爲仍改發雲貴兩廣極邊烟瘴充軍到配加枷號三箇月奏准纂

大清會典事例 卷三百三十三 刑部 三十三  
入例冊在案茲道光二十四年六月內據  
陞任貴州巡撫賀長齡奏請調劑軍犯章  
程一摺復經軍機大臣會同 臣部議請嗣  
後新疆遣犯各照舊發往等因具奏奉  
上諭據軍機大臣會同刑部議奏貴州軍犯擁劑  
酌減調劑等語新疆遣犯改發內地恐人數眾  
多不特約束難周且與民風大有關礙非若新  
疆地方遼濶外遣人犯易於安插所有舊時改  
發內地各條著仍照舊發往新疆交該將軍設

法妥爲安插並嚴飭所屬認真查核嚴加管束  
毋令滋生事端俾期積久無弊餘依議欽此是  
新疆遣犯既應照舊發往其刨參人犯脫  
逃發往伊犁之原例現在猶存足資引用  
此條係屬贅文應行刪除

一免死減等發遣新疆盜犯並由黑龍江吉林  
減回內地充軍擬流之盜犯及未傷人之首  
盜聞拏投首窩家盜線聞拏投首曾經傷人  
及行劫二次以上之夥盜聞拏投首夥盜盜能

將盜首逃匿地方供出一年限內拏獲四項  
改發雲貴兩廣極邊烟瘴充軍之犯如在配  
無故脫逃已逾五日拿獲者無論有無行兇  
爲匪請

旨卽行正法若於五日內拿獲該管將軍大臣督撫  
嚴行確審如係僅在附近處所暫行躲避並  
未遠颺或偶有事故未向伊主及看役告知  
實情非逃走者新疆遣犯在配所用重枷枷  
號三箇月杖一百責令伊主嚴加管束由黑

龍江吉林減回內地充軍擬流並改發雲貴  
兩廣充軍四項人犯俱改發雲貴兩廣極邊  
烟瘴充軍到配加枷號三箇月均毋庸具奏  
如再脫逃拿獲奏請卽行正法

等謹查此條例文從前舊例內載由黑  
龍江吉林減回內地充軍擬流並改發雲  
貴兩廣充軍在配脫逃於五日內拿獲審  
係在附近躲避或偶有事故實非逃走俱  
調發新疆給官兵爲奴等語嗣於道光六

年十一月內據原任陝甘總督那彥成奏請調劑新疆遣犯經軍機大臣會同戶部議將此項改爲改發雲貴兩廣極邊烟瘴充軍到配加枷號三箇月奏准纂入例冊在案茲道光二十四年六月內據陞任貴州巡撫賀長齡奏請調劑軍犯章程一摺復經軍機大臣會同戶部議請嗣後新疆遣犯各照舊發往等因具奏奉

上諭據軍機大臣會同刑部議奏貴州軍犯擁劑

酌減調劑等語新疆遣犯改發內地恐人數眾多不特約束難周且與民風大有闕礙非若新疆地方遼濶外遣人犯易於安插所有舊時改發內地各條著仍照舊發往新疆交該將軍設法妥爲安插並嚴飭所屬認真查核嚴加管束毋令滋生事端俾期積久無弊餘依議欽此是新疆遣犯既應照舊發往其減回內地充軍擬流並四項人犯調發新疆之原例現在猶存足資引用此條係屬贅文應行刪

除

一原犯實犯死罪免死減軍人犯在配脫逃並  
 無行兇為匪者初次枷號兩箇月無論近邊  
 邊遠俱調發極邊地方充軍二次枷號三箇  
 月調發極遠烟瘴充軍犯至三次者改發雲  
 貴兩廣極邊烟瘴充軍到配加枷號三箇月  
 如逃後復有行兇為匪按其後犯情節僅止  
 枷杖者仍照脫逃本例加等調發到配後科  
 以後犯枷杖之罪若後犯情節罪應徒流以

上者即於逃罪加等調發本例上再加一等  
 改發儻後犯之罪重於改發罪名者各從其  
 重者論仍分別次數加擬枷號後犯罪應斬  
 絞監候者加擬立決至強盜自首免死減等  
 充軍人犯在配脫逃例應正法者仍照定例  
 辦理

臣等謹按此條例文從前舊例內載原犯  
 實犯死罪免死減軍人犯脫逃至三次者  
 改發新疆酌撥種地當差等語嗣於道光

六年十一月內據原任陝甘總督那彥成奏請調劑新疆遣犯經軍機大臣會同臣部議將此項改爲改發雲貴兩廣極邊烟瘴充軍到配加枷號三箇月奏准纂入例冊在案茲道光二十四年六月內據陞任貴州巡撫賀長齡奏請調劑軍犯章程一摺復經軍機大臣會同臣部議請嗣後新疆遣犯各照舊發往等因具奏奉

上諭據軍機大臣會同刑部議奏貴州軍犯擁擠

酌減調劑等語新疆遣犯改發內地恐人數眾多不特約束難周且與民風大有關礙非若新疆地方遼濶外遣人犯易於安插所有舊時改發內地各條著仍照舊發往新疆交該將軍設法妥爲安插並嚴飭所屬認真查核嚴加管束毋令滋生事端俾期積久無弊餘依議欽此是新疆遣犯既應照舊發往其免死減軍脫逃三次改發新疆之原例現在猶存足資引用此條係屬贅文應行刪除

徒流人逃

原例

- 一 徒犯脫逃如係在配脫逃被獲仍照律治罪
- 外其有中途脫逃被獲者各於本罪上遞加
- 一 等杖六十徒一年者加爲杖七十徒一年
- 半以次遞加至徒三年者加爲總徒四年總
- 徒四年者加爲准徒五年各杖一百准徒五
- 年者改爲杖一百流二千里
- 一 秋審緩決人犯遇



赦免死減等發遣黑龍江等處者如非不服伊主管  
束或因思家或因力難受苦乘間潛逃並無  
行兇爲匪拒捕之處被獲者五次以內遞回  
發遣處枷號三個月投回者免罪脫逃至五  
次以外被獲者枷號六個月投回者枷號三  
個月十次以外被獲者枷號九個月投回者  
枷號六個月俱鞭一百若不服伊主管束脫  
逃後復行兇爲匪及拿獲時有拒捕者照原  
犯死罪卽行正法其非秋審案內免死減等

係尋常發遣人犯在配脫逃並無行兇爲匪  
亦無拒捕情事被獲者五次以內遞回發遣  
處枷號一個月投回者免罪脫逃至五次以  
外被獲者枷號三個月投回者枷號一個月  
十次以外被獲者枷號六個月投回者枷號  
三箇月均鞭一百如逃走後復行兇爲匪並  
拿獲時拒捕者卽照現在所犯定擬犯該斬  
候者改爲立斬犯該絞候者改爲立絞犯該  
軍流發遣者改爲絞監候犯該徒者遞回發

遣處枷號三箇月罪止杖笞者遞回發遣處  
枷號兩箇月俱鞭一百其例應立決者拿獲  
之日合該地方官審明該犯原犯情罪逃走  
年月並分給為奴之旂分佐領及伊主姓名  
照例定擬詳報督撫具題刑部逐一查核確  
實會議題覆將該犯即在拿獲地方正法仍  
行文發遣處出示曉諭至軍流人犯脫逃後  
行兇殺人為匪犯該斬絞者仍按各本律定  
擬

一充軍常犯至配後責令照例當差不得任其  
閑散如有脫逃係附近充軍者初次枷號一  
箇月調發近邊二次枷號兩箇月調發邊遠  
三次枷號三箇月調發極邊烟瘴其本犯近  
邊邊遠者各以次遞加調發至烟瘴少輕人  
犯在配脫逃者枷號一箇月改發極邊烟瘴  
極邊烟瘴脫逃者仍改發雲貴兩廣極邊烟  
瘴充軍到配加枷號三箇月即合拿獲之州  
縣一面收禁一面關查配所原案究明有無

行兇爲匪及脫逃次數將應行改調之處申詳督撫咨部核擬完結毋庸遞回原配審斷其尙未到配中途脫逃者亦照此例辦理

一原犯實犯死罪免死減軍人犯在配脫逃並無行兇爲匪者初次枷號兩箇月無論近邊邊遠俱調發極邊地方充軍二次枷號三箇月調發極邊烟瘴充軍犯至三次者仍改發雲貴兩廣極邊烟瘴充軍到配加枷號三箇月如逃後復有行兇爲匪按其後犯情節僅

止枷杖者仍照脫逃本例加等調發到配後料以後犯枷杖之罪若後犯情節罪應徒流以上者卽於逃罪加等調發本例上再加一等改發倘後犯之罪重於改發罪名者各從其重者論仍分別次數加擬枷號後犯罪應斬絞監候者加擬立決至強盜自首免死減等充軍人犯在配脫逃例應正法者仍照定例辦理

修改

一徒犯脫逃如係在配脫逃被獲仍照律治罪外其中有中途脫逃被獲者各於本罪上遞加一等杖六十徒一年者加爲杖七十徒一年半以次遞加至徒三年者加爲總徒四年總徒四年者加爲准徒五年各杖一百准徒五年者改爲杖一百流二千里至免死及尋常遣軍流犯有尙未到配中途脫逃者均卽照已經到配脫逃各本例訊明有無另犯不法分別辦理

一秋審緩決人犯遇

赦免死減等發遣黑龍江等處者如非不服伊主管束或因思家或因力難受苦乘間潛逃並無行兇爲匪拒捕之處被獲者五次以內遞回發遣處枷號三個日投回者免罪脫逃至五次以外被獲者枷號六個月投回者枷號三個月十次以外被獲者枷號九個月投回者枷號六個月俱鞭一百若不服伊主管束脫逃後復行兇爲匪及拿獲時有拒捕者照原

犯死罪卽行正法其非秋審案內免死減等  
係平常發遣人犯在配脫逃並無行兇爲匪  
亦無拒捕情事被獲者五次以內遞回發遣  
處枷號一個月投回者免罪脫逃至五次以  
外被獲者枷號三個月投回者枷號一個月  
十次以外被獲者枷號六個月投回者枷號  
三箇月均鞭一百如逃走後復行兇爲匪並  
拿獲時拒捕者卽照現在所犯定擬如犯該  
斬絞監候罪名應緩決者入於情實應情實

者改爲立決犯該軍流發遣者改爲絞監候  
犯該徒者遞回發遣處枷號三箇月罪止笞  
杖者遞回發遣處枷號兩箇月俱鞭一百其  
例應立決者拿獲之日令該地方官審明該  
犯原犯情罪逃走年月並分給爲奴之旗分  
佐領及伊主姓名照例定擬詳報督撫具題  
刑部逐一查覈確實會議題覆將該犯卽在  
拿獲地方正法仍行文發遣處所出示曉諭  
至軍流人犯脫逃後行兇殺人爲匪犯該斬

殺者仍按各本律定擬應請候者監候  
應立決者立決

一充軍常犯至配後真令照例當差不得任其閒散如有脫逃係附近充軍者初次枷號一箇月調發近邊二次枷號兩箇月調發邊遠三次枷號三箇月調發極邊足四千里四次枷號四箇月改發極邊烟瘴其本犯近邊邊遠極邊足四千里者各以次遞加調發至烟瘴少輕人犯在配脫逃者枷號一箇月改發極邊烟瘴極邊烟瘴脫逃者改發新疆酌撥

種地當差即令拿獲之州縣一面收禁一面關查配所原案究明有無行兇為匪及脫逃次數將應行改訓之處申詳督撫咨部覈擬完結毋庸遞回原配審斷其尙未到配中途脫逃者亦照此例辦理

一原犯實犯死罪免死減軍人犯在配脫逃並無行兇為匪者初次枷號兩箇月無論近邊邊遠俱調發極邊地方充軍二次枷號三箇月調發極邊烟瘴充軍犯至三次者改發新

疆酌撥種地當差如逃後復有行兇爲匪按  
其後犯情節僅止枷杖者仍照脫逃本律加  
等調發到配後科以後犯枷杖之罪若後犯  
情節罪應徒流以上者卽於逃罪加等調發  
本例上再加一等改發儻後犯之罪重於改  
發罪名者各從其重者論仍分別次數加擬  
枷號若後犯已至斬絞監候罪名應緩決者  
入於情實應情實者加擬立決至強盜自首  
免死減等充軍人犯在配脫逃例應正法者

仍照定例辦理

徒流人逃

續纂

一發遣免死盜犯如脫逃拿獲例應請

旨正法者於審明後卽行正法無庸候部核覆